

## **Бақара сураси, 27-оят**

15:23 / 08.08.2017 3295

**Улар Аллоҳнинг аҳдини боғланганидан сўнг бузадиган, Аллоҳ боғланишига буюрган нарсаларни кесадиган, ер юзида бузғунчилик қиласидиган кимсалардир. Ана ўшалар, ўшаларгина зиён кўрувчилардир. Бақара 27.**

Ушбу оятда Аллоҳ кофир ва мунофиқларнинг учта катта сифатини келтирган.

Биринчи сифат:

**«...Аллоҳнинг аҳдини боғланганидан сўнг бузадиган...»**

Яъни ҳар бир банданинг Яратган билан боғлаган аҳди бор. Кофир ва мунофиқлар ўша аҳдни бузиш билан бошқалардан ажралиб турадилар. Бу аҳд кўп нарсаларда боғланган, жумладан:

- а) ҳар бир banda яратилиш чоғида Аллоҳ унинг табиатига диндорликни солган. Кофир ва мунофиқлар ўша табиатга қарши чиқадилар;
- б) Аллоҳ таоло одам боласини Ўзининг ердаги халифаси қилган. Улар бу аҳдни бузиб, халифаликка хиёнат қиласидилар;
- в) ҳар бир шариат келганда, Аллоҳ Ўзидан бошқага сиғинмаслик аҳдини олган бўлса ҳам, кофир ва мунофиқлар хиёнат қиласидилар. Шунингдек, фосиқлар, яъни кофир ва мунофиқлар ҳаётларида Аллоҳнинг шариатига амал қилиш, унинг кўрсатган йўлидан юриш каби нарсаларга боғлаган аҳдларини бузадилар.

Иккинчи сифат:

**«...Аллоҳ боғланишига буюрган нарсаларни кесадиган...»**

Аллоҳ кўп нарсаларни, жумладан, қариндошлиқ алоқаларини боғлашга, инсоний алоқаларни боғлашга, иймон ва диндошлиқ алоқаларини боғлашга ва ҳоказо ишларга буюрган. Фосиқ – кофир ва мунофиқлар ушбу алоқаларни ҳам кесадилар.

Учинчи сифат:

## **«...ер юзида бузғунчилік қиласынан...»**

Фасоднинг тури жуда күп. Жумладан, юқоридаги икки сифат ҳам ер юзини фасодга тұлдирадын сифатлардан ҳисобланады. Аммо әнг катта фасод борлықни яратувчи Зот бўлмиш Аллоҳ таоло кўрсатган йўлни тарк этиб, бошқача яшашга ҳаракат қилишдир. Ҳамма фасод шундан келиб чиқади.

Мазкур сифатлар қандай натижага элтади? Шундай сифатдаги кишилар албатта ютқазадилар. Бу дунёларини ҳам, у дунёларини ҳам бой берадилар.

**«Ана ўшалар, ўшаларгина зиён кўрувчилардир».**

Келаси оятда коғирлар ҳақида учинчи шахс сифатида гап юритишдан бевосита уларнинг ўзларига хитоб қилишга ўтилади.